

卷十四

十一朝東華錄詳節

乾隆朝

臣 鄔樹庭敬編

臣 李葆璋 恭校
李 盛

乾隆四十五年庚子春正月辛卯 上啟鑒南巡免直隸經過地方本年額賦十分之三壬辰免直隸順德等四府屬
 通賦戊戌諭驛吏葺治行宮毋事繁費有派累閭閻者罪之己亥免山東歷城等二十八州縣積欠錢糧倉穀己酉朝
 鮮國王李祘表賀 萬壽優詔答之以所獻方物准作年貢二月辛亥伊犁將軍伊勒圖等奏伊犁兵民戶口漸增至
 十餘萬人事務繁多同知一員管理難周請將伊犁見有兼管民人理事同知改為撫民同知管理地方事務添設理
 事同知一員辦理各營刑名又惠遠城惠甯城向設巡檢各一員今伊犁移駐三千眷兵散處遠近商民亦漸增添巡
 檢二員不數分管請添設二員酌量分轄下軍機大臣會部議行甲寅免江南浙江經過地方本年額賦十分之三免
 兩江所屬四十三年以前通賦丁已免福建台灣府屬本年額穀已未祭 河神 上渡河閱清口東壩堤工庚申賞
 李春翰母貂幣壬戌廣安徽江浙本年學額癸亥減江蘇安徽浙江軍流以下罪甲子免江南浙江省會附郭諸
 州縣本年額賦丁卯祭 江神 上渡江戊辰 上幸焦山壬申 上幸蘇州府諭據阿桂等奏豫省河神最靈驗者
 為靈祐襄濟大王本姓黃河南偃師縣人從前已受敕封擬為修墳種樹並請於其子孫中賞給奉祀生一人又順治
 年間總河朱之錫功著南豫二省歿為河神屢著靈應可否特賜位號又銅瓦廂風神廟於開放引河之先曾申虔禱
 因連獲順風掣溜全黃得歸故道顯有默相之功並懇頒發御書扁額以昭靈蹟等語著照所請靈祐襄濟大王交該
 撫榮柱於其子孫內擇一人作為奉祀生世傳勿替前任總河朱之錫交禮部酌擬位號候朕親定其銅瓦廂風神廟
 御書扁額另行頒發用答神貺丁丑 上詣 文廟行禮己卯免浙江仁和等縣未完各款銀米並民借穀石三月辛
 巳 上幸海甯州觀潮壬午 上幸尖山癸未 上幸杭州府甲辰 上幸秋濤宮閱水師乙酉 上閱兵福建恩賜
 舉人郭鍾岳陳應騰宋耀來浙江謝恩各加賞資並以郭鍾岳壽百齡特賜進士戊子 上以儀封河工合龍命建碑
 於陶莊 河神廟 御製記文命樹碑紀實親書泐石己丑賞浙江召試諸生馬履泰等四人舉人授內閣中書壬辰
 上自杭州回鑾壬寅 上幸江甯府丙午 上至明太祖陵奠酒丁未 上閱兵 賜江蘇安徽召試舉人汪履基

即用內閣中書諸生召光復等十人舉人候補內閣中書江西蔣知讓等二人舉人夏四月己酉朔祭江神上渡江丁巳上閱高家堰堤工祭河神上渡河免山西太原等十六府州並歸化城等廳牧廠地畝應徵額銀十

分之三大同朔平及和林格爾等屬全免辛酉工部等部議准湖南巡撫李湖奏湖南省城西臨大江近北一隅尤低

考縣志從前原有護城土堤一道名成功堤自大西門老礪起至矮子州止長八九里前明兵燹折毀堤址漸沒江中

惟藉城腳外坡禦水近年江心沙漲漸逼江水東趨城腳土坡汕刷殆盡本年雨多水溢城垣埝塌此次修復城身請

於頂衝一帶外加護岸自通貨門稍南接老岸起至北門城牆轉角止共長一百一十五丈又於湘水橋建出水石洞

從之五月丁亥上還京師己丑正陽門城樓災癸巳賜汪如洋等一百五十五人進士及第出身有差戊戌諭尚書

和坤之子賜名豐紳殷德指為十公主之額駙賞戴紅絨結頂雙眼孔雀翎穿金綫花褂待年及歲時再派結髮大臣

舉行指婚禮己亥上啟鑒秋獮木蘭免經過地方本年額賦十分之三乙巳上詣熱河文廟行禮上駐蹕避暑山莊御製戒得記六月壬申諭朕惟歷代寶璽所以展禮神祇式彰符命我國家承天眷佑自太祖

太宗創業盛京肇膺大寶逮我世祖正位凝命奄有萬方我聖祖六十一年篤祐延庥深仁淪浹我皇考世宗廟精圖治繼序前徽罔不欽崇天道勤恤民隱夙夜勤求治理不敢康甯用克協於天心俾中外蒙和壹之

庥庶庶享昇平之福暨於朕躬嗣服兢兢業業祈天永命恒切於懷惟是太廟尊藏列朝寶冊金繩玉檢靈爽式憑然以次第錫造未免玉質大小長短不能一律荷天之庥承列祖列宗之餘慶平伊犁定回部和闐良

玉歲有恒貢用是特命有司選良工卜吉日敬造列朝寶冊一律從同以奉太室念今年為朕七十萬壽自古帝王受天純佑錫福延洪實無有過於朕者朕用是益不敢不敬天益不敢不勤民惟有朝乾夕惕思日孜孜以

敬迓億萬年無疆之寶命所有換出太廟尊藏列朝寶冊敬諏吉日簡派皇子恭送盛京太廟尊藏以昭祖宗功德之成於萬代嗣後凡有舉行寶冊事皆以是為例必為二分一奉太廟一送盛京朕之此意欲我子孫世世知天命之難謀敬天勤民永存無疆之恤以保無疆之休可將此旨恭錄一通一存上書房一存內閣敬承無數

欽哉特諭癸酉諭前曾降旨皇孫輩未得品級者俱賞戴紅絨結頂帽至曾孫輩數較遠停止戴用此指已往者而言今朕已見曾孫奕純踰二三年奕純婚娶後朕便得見元孫伊等皆育養宮中五代並見亦誠罕有此皆上天垂庥

伊古未有之盛端如曾元輩當朕在位時俱不得戴紅絨頂帽又無品級朕心不忍且於體制未協嗣後凡在位時見有之曾元俱准戴用我大清億萬斯年皆當遵此將此繕寫二分分貯宗人府上書房敬謹奉行秋七月丁酉班禪額爾德尼自後藏入覲上御依清曠殿召見賜坐慰問賜茶戊戌諭六阿哥之子額聽病故伊福晉係三寶之女尚在未婚即來侍服實屬可嘉滿洲大學士之女如此守志固理所當然但縣聽並無子嗣情殊可憫著加恩以縣聽次子給縣聽為嗣將此旨寄與英廉轉傳諭縣聽福晉知之是日永定河溢辛丑東河蔡家莊河溢八月壬子以京師麥貴命五城米商買通倉麥運京平糶丁巳永定河漫工合龍湖北巡撫鄭大進貢金器不納切責之庚申以直隸偏災命截漕十萬石存北倉備賑賞給山東曹縣等三縣出借麥本銀兩免徵還丙寅命再截漕二十萬石存北倉備賑甲戌

上自避暑山莊回鑾謁

東陵

西陵免經過地方本年額賦十分之三九月己卯蔡家莊漫口合龍壬午

上謁

泰陵

泰

昭西陵

孝東陵

景陵至

孝賢皇后陵奠酒甲申琉球貢使蔡煥歸國歿於途命卹之辛卯

上謁

泰陵

泰

泰

泰

泰

泰

泰

泰

泰

泰

泰

泰

泰

東陵昨甯縣郭家渡漫口合龍壬辰諭國初設官分職不殊周官法制又定鼎中原參稽前代不繁不簡最為詳備其間因革損益名異實同稽古唐虞建官惟百內有四岳百揆外有州牧侯伯奮庸熙載亮采惠疇周則監於二代立三公三孤秦漢以後為丞相為中書門下平章知政事明洪武因胡惟庸之故改丞相為大學士其實官名雖異職守無殊惟在人主太阿不移簡用人則雖名丞相不過承命奉行即改稱大學士而所任非人竊弄威福嚴嵩之流非仍名大學士者乎蓋有是君方有是臣惟后克艱厥后庶臣克艱厥臣昔人言天下之安危繫乎宰相其言實似是而非也至六官即今之六部周禮典制基詳要亦本於唐虞司徒秩宗諸職外面督撫自秦漢以來所稱守牧節度行省即唐虞十二牧之遺歷朝改革建置紛如難以縷數我國家文武內外官職品級載在清會典本自秩然至於援古證今今之某官即前某代某官又或古有今無或古無今有允宜勒定成書昭垂永久俾覽者一目了然見在編列四庫全書遺文畢集著即派總纂總校之紀昀陸錫熊陸費墀孫士毅等盡心校覈將本朝文武內外官職階級與歷代沿襲異同之處詳稽正史博參羣籍分晰序說簡明精審毋冗毋遺其議政大臣領侍衛內大臣八旗都統護軍統領健銳火器營內務府並駐防將軍及新疆增置各官亦一體詳晰考証分門別類纂成職官表一書由總裁覆覈陸續進呈候朕閱定書成後即以此旨冠於卷首不必請序列入四庫全書刊布頒行以昭中外一統古今美備之盛因書

丞相一官餘可類推覽是編者其各顧名思義懷於天工人代兢兢業業夙夜靖共以庶幾克無曠之義欽哉特諭
乙未 上還京師己亥添設伊犁撫民同知一員冬十月庚申賜黃瑞等四十二人武進士及第出身有差十一月庚
辰停煙瘴苗疆應俸未滿丁憂服闋人員仍發原省例辛巳以故理恪郡王弘曉子永璦照例襲封多羅貝勒甲午命
再撥通倉粟三十萬石部庫銀三十萬兩交直隸備賑庚戌朕閱 實錄見鰲拜以從征屢立戰功歷封公爵 聖祖
仁皇帝嗣統與大臣蘇克薩哈等為輔政大臣並加太師是時 皇祖冲齡踐阼鰲拜受事以後即專權自恣擅作威
福罔與內大臣費揚古有隙坐伊子倭赫並侍衛西住折克圖覺羅塞爾弼等以擅乘御馬 及取 御用弓矢射虎
罪俱棄市並坐費揚古怨望亦棄市並殺其子尼侃薩哈連籍其家以與其弟穆里瑪又蘇克薩哈係鰲拜姻婭亦以
論事齟齬積而成仇因蘇克薩哈籍隸正白旗鰲拜欲以薊州遵化連安諸屯莊改撥隸黃旗而別園民地給正白旗
詔遣大學士管戶部尚書蘇納海與直隸總督朱昌祚巡撫王登聯丈量酌易經昌祚等勘明奏請停止園換鰲拜
即坐蘇納海以撥地遲誤昌祚等以紛更妄奏惡治棄市且以蘇納海族人英俄爾岱為睿親王私黨令部臣盡削世
職以洩其忿並以蘇克薩哈疏稱往守 陵寢得以生全之語即誣坐以懷抱奸詐存蓄異心二十四大罪應予磔死
皇祖鑒其枉堅不允所請鰲拜攘臂強奏累日竟予絞決並誅其族屬又入對時輒請申禁言官不得上書陳奏時
有竊鰲拜馬者即捕斬之並殺 御馬羣牧長 皇祖以鰲拜擅權不法怙惡弗悛用人行政專恣妄為文武各官欲
盡出伊門下與穆里瑪等結成黨羽凡事在案定議然後施行倚仗兇惡毀棄國典 特降諭旨嚴拿勘審並 親加
鞫問情罪俱實諸王大臣擬請正法 皇祖念其效力年久不思加誅從寬革職籍沒同其子那摩佛一併拘禁迨伊
死後仍 念其舊勲追賜一等男令其弟孫相繼承襲 皇考世宗憲皇帝御極後 賜鰲拜祭葬復一等公世襲罔
替是鰲拜一身之功罪載在冊籍昭然不爽朕惟大臣為國宣勤功銘鐘鼎尤當深自斂抑律已奉公以保全終始况
輔臣躬承 顧命翊贊機務更宜小心謙讓不可稍涉縱恣乃鰲拜當日自恃政柄在握輒敢擅權亂法要結黨羽殘
害大臣罪蹟多端難以枚舉若非 皇祖英明剛斷立予拿究漸將跋扈難馴而政事亦不可問至園地一案相持不
決幾致釀成大事 皇祖不即加誅僅予褫奪並仍給以男爵已屬格外之仁至 皇考復還公爵時因念鰲拜舊勞
伊孫達福才具又尚可用是以仍予施 恩蓋於鰲拜擅權縱恣固所熟聞至其不法欺誣如 實錄所載累累若此

未必一一臚悉也今朕備稽事實蹟狀顯然若不覈其功罪明示創懲在釐拜一家之僥倖所關猶小而後之秉鈞執政者無復知所顧忌將何以肅綱紀而杜僉邪乎所有見襲釐拜公爵之德生本身既無過犯且令承襲俟出缺時即行停襲公爵仍照 皇祖所降諭旨給予一等男爵世襲罔替已足示國家法外施恩舊勲之意矣至釐拜當時所殘害諸臣中有曾以戰功得受世職為釐拜所枉復行褫革者著各該旗詳悉查明並見在有無子孫奏聞請旨候朕酌量加恩朕辦理庶務一秉大公至正雖於已往臣工之功罪亦必追論嚴明懲奸回於既死以為後世子孫有大臣擅權不法者戒並將此通諭中外知之甲寅命部院堂官書題意見不合者於公所面商毋令司員展轉傳述張家油房漫工口合龍是歲朝鮮琉球來貢

乾隆四十六年辛丑春正月己卯軍機大臣會同理藩院議奏查蒙古喀爾喀並青海杜爾伯特土爾扈特和碩特回部王公扎薩克等見遵旨一體詳覈除業經因罪黜封者毋庸另議外所有首先投誠著有軍功及由原爵品續著勞績晉封者均請作為世襲罔替其緣事降等並見已照例降襲者俱照見在爵秩給與世爵罔替至因事奮勉或供備軍需得受封爵者俟缺出時仍將降等承襲及仍襲原爵之處臨期請旨其尋常加獎晉封並奏請補授者缺出時照例減襲至扎薩克台吉業經編列旗分職司一旗請無論原封軍功恩封奏放統係承襲已久並未降等均請作為世襲罔替俟奉旨後臣等仍將各部落王公扎薩克等封爵原委分別繕呈請旨添給冊誥再查蒙古汗等向止給汗爵印信未經給予世襲罔替冊誥請將喀爾喀杜爾伯特土爾扈特各汗俱交部頒給從之丁酉朝鮮國王李祘遣使表賀冬至元旦二大節又奏謝恭奉恩諭並進貢方物得旨覽王奏謝知道了前經降旨所有陳謝表章隨進貢物緊令停止今該國王奉到此旨具奏稱謝復具奏恭謝加賞段匹仍各具方物隨進本不必收受但既專使遠來仍令齎回徒滋往返若照例留作正貢該國王居正貢之期仍似向年備物呈獻非所以示推誠而昭體恤此次貢物著收受仍加賞鞍馬綢段貂皮等物嗣後務宜恪遵前旨毋庸備進若再進必令齎回該國王其善體朕柔惠遠人以實不以文之至意二月甲辰朔諭禮莫大乎敬 天儀莫隆於郊祀前以禮部具題壬寅年祭祀壇廟各日期將祈穀行禮改用次辛所擬不當已明降諭旨仍用上辛矣孟春祈穀所以迓陽氣而兆農祥考諸經傳蓋指立春以後之上辛而非元旦以後之上辛雍正年間恭奉 皇考聖諭飭禮臣定議允宜永遠遵守敬思其義若上辛在立春前舉行

與乘陽之義未為精當又上辛設在正月初三日以前則當於舊臘隔年齋戒而太廟祫祭實為合饗大禮即宮中拜神亦屬國朝定例若於齋戒期內照舊舉行於專一致敬之道似猶未協其應如何斟酌古今益臻明備並百世遵守可行之處著大學士九卿詳悉妥議具奏尋議按禮記月令孟春之月先紀迎春東郊次乃祈穀於上帝家語載孔子云啟蟄之月祈穀於上帝左傳啟蟄而郊郊而後耕公羊傳用正月上辛註云三王之郊一用夏正正月者歲首上辛猶言始新也宋史禮志云春氣初至農事方興故郊祀昊天以祈嘉穀當在建寅之月迎春之後請嗣後定以立春後所得之辛為上辛舉行祈穀禮如立春後之辛尚在上年十二月內則仍用正月上辛以符歲首始新之義至正月朔四日上辛行祈穀禮應於初一日齋戒起是日皇上於未入齋宮之前宮中拜神奉先殿均可各昭誠敬惟出宮詣堂子行禮皇上親詣不親詣例由禮部將可否展期於初五日行禮之處先期奏請至御殿受賀請用初五日亦由該部具奏則凡正月初四日上幸行祈穀禮原無庸改期惟上辛在初三日以前則齋戒在隔年舊臘之內若歲暮祫祭太廟宮中拜神諸大典於已入齋戒後舉行兩事同時未為專一致敬按郊特牲有卜郊之文宋方慤云卜郊蓋指用辛之郊而言嗣後如上辛在正月初三以前請酌用卜郊不專用上辛之義改於次辛行禮從之乙巳諭朕恭閱皇祖實錄內載霍貴總督卞三元與張國柱李本深等合詞奏留吳三桂總管雲貴事務一節因檢閱卞三元列傳載與張國柱等俱傾附吳逆即當日共疏乞留三元疏詞尤為迫切可見三元實為吳逆用當日皇祖洞燭幾先未允所請而吳逆事權遂以解退三元後見吳逆反蹟漸露遂託言母病乞休迨削平吳逆張國柱李本深俱以從逆伏誅而三元竟脫然事外且自乞養歸旗閱三十年及伊歿後又復邀恩得賜祭葬並謚以恪敏夫三元本一進退無據首鼠兩端之人在皇祖當日或念三元際開國之初由牧郡洊歷封疆曾有帶兵轉餉微勞且當三桂倡亂之時伊先已告休在家因為曲予包容保全終始今事閱百年詳加論定不得不明白宣示以昭彰庠朕於臣工功罪論斷一秉大公即如前代諸臣之懷二心以事君者猶且另為立傳不稍寬假況卞三元逮事兩朝寵承恩遇乃始則攀援黨逆力疏保留繼則抽身遠引以圖避害其居心行事殊不可問幸而老死牖下未被顯戮已邀國家寬大之恩若復以飾終令典永荷殊榮將何以肅綱紀而示勸懲乎所有卞三桂生前官秩及死後謚法並所得誥敕俱著追奪其祭葬碑文並著該旗查明一併撲毀將此通諭中外知之丙午諭朕自臨御以來每遇郊祀

大典無不蠲潔躬承四十六年如一日今仰荷 昊蒼眷佑壽逾古稀仍當躬親行禮而一切登降禮儀步履究覺稍遜於前若遣官恭代非朕勤於躬親昭事之初心而勉強將事復於精一凝承之意轉有未盡因諭該部前往敬視祈穀宿齋宮詣 壇瞻拜日降輦處茲據福隆安等奏請擬由 皇乾殿西壇門外降輦較為近便等語應如所奏交

各該衙門遵照辦理此朕仰體 上天眷愛朕躬長申寅恪之意將來朕子孫緒緒凝休有壽登古稀者亦可欽承朕

志於 郊壇大祀歲歲躬行率由此典以上邀 皇天眷顧之隆庶幾無疆惟休永膺 昊貺垂裕萬年將此通諭中

外知之已酉 上御經筵丁巳禮部議准陝甘總督勒爾謹奏秦州舊有太昊伏羲氏廟請照前代帝王陵廟守吏春

秋二仲致祭例每歲額設祭銀並廟戶二名從之戊午諭昨據四庫全書總裁奏進總目請於經史子集各部冠以

聖義 聖謨等六門業經降旨今將 列朝御纂 御批 御製各書分列各家著撰之前不必特標名目並令將卷

首所錄御題四庫諸書詩文撤出分列御製詩文各集之前所以示大公也朕一再思維四庫全書之輯廣搜博採彙

萃庫書用以昭垂久遠公之天下萬世如經部易類以子夏易傳冠首實為說易家最古之書允宜弁冕義經若以

欽定諸書列於各代之前雖為纂修諸臣尊崇本朝起見而於編排體例究屬未協況經史子集各部內尚有前代帝

王論著以本朝 欽定各書冠之亦有未合在編輯諸臣自不敢輕議及此朕則筆削權衡務求精當使綱舉目張體

裁醇備足為萬世法程即後之好為論辨者亦無從置議方為盡善所有四庫全書經史子集各部俱著各按撰述人

代先後依次編纂至我朝 欽定各書仍各按門目分冠本朝著錄諸家之上則體例精嚴而名義亦秩然不紊稱朕

折衷詳慎之至意將此通諭知之甲子諭工部侍郎楊魁著馳驛前往浙江專駐海塘公所幫同閩浙總督陳輝祖辦

理塘工事務乙丑 上啟鑒巡幸五台山免經過地方本年額賦十分之三丙寅免順天保定等七府州屬通賦辛未

上詣堯母陵 帝堯廟行禮三月甲戌朔 上幸正定府閱兵甲午設喀爾喀杜爾伯特交界地方鄂博庚子 上

還京壬寅平定兩金川方略成 御製序癸卯命阿桂馳往甘肅調度勦賊機宜 蘭州府循化廳屬撒拉回人蘇四

傷數名知府楊士璣河州協副將新柱前往查辦行至白莊子被新教回匪千餘人將莊圍住即斬將舊教回人殺

將新柱殺害陝甘總督勒爾謹飛調提鎮兵親帶標兵行抵狄道州據兵丁李得誠報稱逆回男婦二千餘將河

州守城兵殺死擄入州城因所帶兵僅五百名且秋道緊鄰州河若秋夏四月甲辰朔諭軍機大臣等本日畢沅奏

道有失省城亦可虞因在州城屯紮俟前調兵到往勦奏聞故有是命 夏四月甲辰朔諭軍機大臣等本日畢沅奏

逆回進逼蘭州焚燒關廟省城眼前失事已飛札文綬等調兵合勦復扎富勒渾雅德調河南山西兵前赴西安聽調

並懇迅發京兵派熟悉軍務大臣帶領前往等語昨已傳諭阿桂令其由河南星赴甘肅令逆回如此猖獗阿桂應即迅速進行見派尚書和珅額駙拉旺多爾濟領侍衛內大臣海蘭察護軍統領額森特馳驛前往甘肅並派巴圖魯侍衛常健銳營兵二千名火器營兵二千名即日分起迅速前往如和珅等先到甘肅即行調遣辦理俟阿桂到彼時即交阿桂接辦和珅仍回京供職乙已諭農起着賞戴花翎馳驛前赴甘肅辦理軍需李侍堯著加恩免罪賞給三品頂戴並賞戴花翎與副都統黃檢一體馳驛前往和紳傳諭黃檢即由保定前往不必來京庚申尹嘉銓由落第舉人用為部屬著落原品休致以狂悖不法加恩免凌遲改決家屬一併加恩免緣坐戊辰諭向來殿試新進士有至次早始行交卷者雖伊等草茅新進對揚之始未免矜持但考試給燭最滋弊竇至於連宵達旦則更長人倦防閑更不能周且朝考例作四題尚不過日入完場而殿試對策一道窮日之力寫作已可從容何必焚膏繼晷始得成章乎況殿廷重地尤宜謹慎嗣後殿試交卷至遲亦以日入為度不得仍准給燭其不能完卷者准列入三甲末士子等各宜自勉以副朕剔弊遴才至意賜錢榮等一百六十九人進士及第出身有差五月癸巳諭密雲縣石匣龍神屢昭靈應宜加封號以答神庥著內閣會同禮部即行敬謹照例辦理尋封為昭靈廣濟龍神閏五月癸卯諭本日大學士九卿等會奏定擬勒爾謹情罪一案勒爾謹於逆回爭立新教從未奏聞辦理以致養癰貽患又不能相度機宜速行剿滅擬以斬決自屬咎所應得但其平日居官尚無貪黷枉法欵蹟即辦理此案含糊觀望坐失事機實伊庸弱無能所致而朕委以封疆重任不及早覺察易置實不能不引為己過勒爾謹著從寬改為應斬監候秋後處決丙午熱河志成御製序文戊申諭軍機大臣等據綽克托奏稱烏什所屬英阿雜爾擬改英阿西爾牙爾哈喇沙爾擬改哈喇西牙爾等語此等地名理應照依回人語音改正但英阿雜爾哈喇沙爾之名相沿偽錯已久今既據綽克托奏請改正以朕所記憶而論英阿雜爾改稱英吉沙爾哈喇沙爾改稱喀喇沙爾方與回人原音相合庚戌上啟鑾秋獮木蘭免經過地方本年額賦十分之三六月壬辰免陝西西安等十二府州民欠秋七月丁未定京營兵額一萬名外設南北左右四營改圓明園南營為中營壬子阿桂等奏本月初五日帶兵至華林寺牆邊撲賊退竄寺屋及圍牆內藏匿我兵焚燒寺基寺簷坍塌斃賊甚多餘竄至後牆及兩廂牆園內用槍石抵禦初六日我兵至寺後緣牆而上放槍擲石斃賊幾盡有賊百餘從西邊下滾直礮我兵重重圍剿盡無一漏網諭軍機大臣等此次剿捕逆回雖因其死守

抗拒遲至三月有餘始行殲滅然使賊於一月前衝突而逃勦捕正自費力今乃占聚華林山寺俾官民得以全數殲擒竟無一名漏網仰賴 上天嘉佑朕愉快之餘惟益深虔畏耳至阿桂等所稱馬明心家屬徒弟並伏羌縣斂銀之新教阿渾與各逆黨家屬已委按察使福甯前往查辦等語所奏甚是此等從逆回民露有形跡証據者必須全行搜查不可稍存將就了事之見至省城及循化河洲等處監禁逆犯之婦女幼孩人數甚多著阿桂等查明將應發烟瘴者即行分別發遣毋令久羈監獄癸丑閏浙總督陳輝祖署福建巡撫楊魁奏老鹽倉一帶海塘自場字號至名字號一千五百丈改建石工其立字號至因字號二百丈相傳沙性汕澀不能釘樁臣等駐工籤試經打樁一丈二三尺不復搖動請一律改築鱗塘石工得旨如所議行丁巳定各省武舉効力年滿考驗後分補千總把總例乙未定武職遊擊以下記名限年升用例辛酉命阿桂等查閱河南山東河工甲子命江蘇截留漕糧十萬石於崇明縣備賑八月丙戌魏家莊漫工合龍九月乙卯諭前已降旨停止甘肅陝西省收捐監生所有烏嚕木齊新疆捐著一併停止戊午命撥奉天海運餘米二萬石於天津靜海二縣備賑江蘇沛縣河溢辛酉 上還京師冬十月甲戌封榮親王永琪子毓億為多羅貝勒甲申賜劉雙等四十五人武進士及第出身有差甲午定試用佐貳不准委署州縣例丙申宗人府遵諭會同吏部議奏宗室御史向止二缺今遵旨再添二缺請嗣後遇有滿洲御史缺出吏部行知宗人府由宗室應升人員內揀選引見補放二員至 陵寢司員計三十二缺請照御史二十八缺用宗室四員之數酌改五缺將 東陵郎中一員外郎一主事一 泰陵員外郎主事各一為宗室額缺見在郎中由宗人府於副理事官內揀選升用員外郎於經歷主事內揀選升用主事於兩翼宗學總管副管宗人府筆帖式內揀選升用俟陸續缺出吏部行文宗人府分別辦理至此次補放後再遇 陵寢宗室郎中缺出以員外郎升補員外郎缺出即以主事升補主事缺出即於兩翼宗學總管副管宗人府筆帖式內揀選補放其郎中員外郎六年期滿由總管 陵寢貝子公等出具考語咨宗人府帶領引見以京缺理事官調補或俟有 陵寢總管缺出該管貝子公等出具考語送京帶領引見升用從之戊戌定滿洲駐防官兵年老退休回京就養例十一月乙巳命撥兩淮鹽課銀五十萬兩並截留漕糧五萬石於徐州府屬備賑戊辰命撥兩淮鹽課銀五十萬兩修沛縣城垣並安輯移徙戶是歲朝鮮安南暹羅南掌來貢會計天下民穀數各省通共大小男婦二萬七千九百八十一萬六千七十名口各省通共存倉米穀四十二萬九千八百四十

九石二斗八升二合八勺

乾隆四十七年壬寅春正月辛亥命江蘇查禁鳥槍甲寅復增西藏辦事筆帖式一員乙卯建盛京文淵閣貼四庫全書戊午停止伊犁向內地販買貨物丙寅第一分四庫全書告成二月己巳上御經筵以四庫全書成上御文淵閣賜宴並賞賚有差三月己亥上親耕藉田庚子上啟鑒幸盤山免經過地方本年額賦十分之三乙巳停止台灣捐監例辛亥諭浙江海塘歲功後停止歲修柴塘甲寅上還京師乙卯免甘肅積年通賦夏四月辛未諭旗人外任年老有疾願回旗者仍留本身世職賞食全俸如勒令休致者本身雖有世職亦不准食俸著為令辛巳上閱火器營兵改譯遵金元三史告成御製序壬午諭凡陣亡者給與世職仍賞恩騎尉世襲罔替其傷亡者不必給與著為令丁亥上閱健銳營兵壬辰諭阿勒景阿公爵係皇祖妣孝誠仁皇后初封承恩公爵即獲重罪不惟不可削除在朕觀之亦屬不忍皇帝始封之后及誕育皇帝之后所封承恩公爵非其餘所封承恩公爵可比即其人獲罪甚重革去公爵亦不應削除自應於別支子孫內揀選承襲著軍機大臣及該旗敬錄此旨億萬年永遠遵行外其善保前因打死家人革去公爵今已悔過效力多年著加恩將此公爵仍令善保承襲務感朕恩奮勉行走不可仍蹈前轍任意乖張五月辛丑定哈拉巴爾噶遜新建城名曰嘉德城門東曰寅輝西曰仰極南曰成順北曰遵道戊申上啟鑒秋獵木蘭免經過地方本年額賦十分之三丁巳命直隸承德府平糶秋七月甲辰命續繕四庫全書三分分發揚州文匯閣鎮江文宗閣杭州文瀾閣已酉諭今年春間因豫省青龍岡漫口合龍未就遣大學士阿桂之子乾清門侍衛阿彌達前往青海務窮河源告祭河神事竣復命並據按定南鍼繪圖具說呈覽據奏星宿海西南有一河名阿勒坦郭勒蒙古語阿勒坦即黃金郭勒即河也此河實係黃河上源其水色黃回旋三百餘里穿入星宿海自此合流至貴德堡水色全黃始名黃河又阿勒坦郭勒之西有巨石高數丈名阿勒坦噶達素齊老蒙古語噶達素北極星也齊老石也其崖壁黃赤色壁上為天池池中流泉噴涌醞為百道皆作金色入阿勒坦郭勒則真黃河之上源也其所奏河源頗為明晰從前康熙四十三年皇祖命侍衛拉錫等往窮河源其時伊等但窮至星宿海即指為河源自彼回程覆奏而未窮至阿勒坦郭勒之黃水尤未窮至阿勒坦噶達素齊老之真源是以皇祖所降諭旨並幾暇格物編星宿海一條亦但就拉錫等所奏以鄂敦他臘為河源也今既考詢明確較前更加詳晰因賦河源詩

一篇敘述原委又因漢書河出崑崙之語考之於今崑崙當在回部中回部諸水皆東注蒲昌海即鹽澤也鹽澤之水入地伏流至青海始出而大河之水獨黃非崑崙之水伏地至此出而挾星宿海諸水為河瀆而何濟水三伏三見此亦一證因於河源詩後復加案語為之決疑傳正嗣檢閱宋史河渠志有云河繞崑崙之南折而東復繞崑崙之北諸語夫崑崙大山也河安能繞其南又繞其北此不待辨而知其誣且崑崙在回部離此萬里誰能移此為青海之河源既又細閱康熙年間拉錫所具圖於貴德之西有三支河名崑都倫乃晤崑都倫者蒙古語謂橫也橫即支河之謂此元時舊名謂有三橫河入於河蓋蒙古以橫為崑都倫即回部所謂崑崙山者亦係橫嶺而修書者不解其故遂牽青海之崑都倫河為回部之崑崙山耳既解其疑不可不詳誌因復著讀宋史河渠志一篇茲更檢元史地理志河源附錄一卷內稱漢使張騫道西域見二水交流發蔥嶺鹽澤伏流千里至積石而再出其所言與朕蒲昌海即鹽澤之水入地伏流意頗合可見古人考證已有先得我心者按史記大宛傳云于闐之西水皆西流注西海其東水東流注鹽澤潛行地下其南則河源出焉河注中國漢書西域傳于闐國條下所引亦同而說未詳盡張騫既至蒲昌海則或越過星宿海直至回部地方或回至星宿海而未尋至阿勒坦郭勒等處當日還奏必有奏牘或繪圖陳獻而司馬遷班固紀載弗為備詳始末僅以數語了事致後人無從考證此作史者之略也然則武帝紀所云崑崙為河源本不誤特未詳伏流而出青海之阿勒坦噶達素而經星宿海為河源耳至元世祖時遣使窮河源亦但言至青海之星宿海見有泉百餘泓便指謂河源而不言其上有阿勒坦噶達素之黃水又上有蒲昌海之伏流則仍屬得半而止朕從前為熱河考即言河源自蔥嶺以東之和闐葉爾羌諸水瀦為蒲昌海即鹽澤蒙古語謂之羅布諾爾伏流地中復出為星宿海云云今覆閱史記漢書所紀河源為之究極原委則張騫所窮正與今所考訂相合又豈可沒其探本討源之實乎所有兩漢迄今自正史以及各家河源辨證諸書允宜通行校閱訂是正謾編輯河源紀略一書著四庫館總裁督同總纂等悉心纂辦將御製河源詩文冠於卷端凡蒙古地名人名譯對漢音者均照改定正史詳晰校正無謬頒布刊刻並錄入四庫全書以昭傳信特諭 御製河源詩

惟我曰有五惟讀曰有四四讀河居一宏功贊天地金隄設

源命必至歸來新圖呈舊圖稱未備舊云星宿海便即河源是蒙古名曰阿坦郭勒教鄂敦星宿湖此固非差焉然河其南寄

石詢蒙古名字阿坦噶達素北極星名意謂無敢廟詢其蒙古名曰阿坦郭勒教鄂敦星宿湖此固非差焉然河其南寄

無二山土膏金色更無林木鬱東南流折北屬注三百里穿星宿海東上則赤壁以易東至貴德堡遂作純黃色向

乾隆朝 卷十四 東文學堂校印

稱星宿源亦未大差致集林云有人見婦浣紗異張騫支機石更迷荆楚記或到星宿海傳會傳奇偽統天一所生軒圖旨早示考訂誌其詳惟翰安鵬賜

御製河源按語曰按班固漢書張騫

傳天子使窮河源其山多玉石采來天子按古圖書名河所出山曰崑侖云而固贊又謂騫使大夏之後窮河源惡規所謂崑侖者乎故言九州山川尚書近之於是鄧展遂謂河源出於積石是皆拘墟未見顏色之言蓋千古以上中國以外紀載已舛言語不通而欲定其確實何異北轅適越考元史始有星宿海之名而以為河源元蒙古也鄂敦即星宿彼時譯為火敦則漢人不通蒙古語耳此為近之今則更溯以上遂得真源然崑侖之語亦不為無因蓋崑侖在今回部諸水皆東注蒲昌海即鹽澤也鹽澤之水皆入地伏流至青海始出則星宿海諸水皆是也而大河之源獨黃色為靈異更在星宿海之上非崑侖之水伏地至此以出而挾星宿海諸水為河濱而何濟水三伏三見此亦一證矣獨漢書所云采玉則因崑侖出玉未免牽就詢之阿彌達則稱河源皆土山無石無石安能有玉夫非精通蒙古語及漢書更問之親履其地之人率欲定此事體大而地遠理博之事不亦甚難乎於甚難而得決疑傳正亦一大快也

御製讀宋史河源志予既問之往祭河源之侍衛阿彌達明悉河源在星宿海之西亦既繫之詩而按以語矣因取宋不深明漢文宜其合名不正之宋史元托克托等所修也其古人所言蒙古地亦尚有跡耳失其真者則以蒙古人西語明之不合其音韻弗合名不正之宋史元托克托等所修也其古人所言蒙古地亦尚有跡耳失其真者則以蒙古人增離此將耳又誰能務於此為河源細究其義蓋修河渠志者或曾讀漢書武帝紀因牽強為之辭不知以謠傳為據橫人不信耳既又謂此蓋元時之舊名所謂三橫河其不詳者其故遂闕入回部之崑侖山以證漢語之要耳然蒙古謂山橫者曰崑都倫或張騫曾到回部之崑都倫以不詳者其故遂闕入回部之崑侖山以證漢語之可乎為不御製河源簡明語曰予既為河源詩並按語繼續讀宋史河源志有文命輯河源紀略有論茲以體大物博考今證古不無費辭雖彼此細勘事則明悉毫釐稍差義乃素茲為簡明之語庶因提要而便覽蓋河源究以張騫所探蒲昌海鹽澤及漢武所定崑侖為是雖山海經水經注皆略具其說山海經劉歆稱伯益所著本無所據水經注則桑欽鄴道元皆張騫後人實祖其說而廣之以至於煩文且崑侖在回部原出玉也獨未明揭伏流至青海於阿勒坦噶達素之天池而出耳歷唐宋以至元乃有鄂敦諾爾為河源之語鄂敦為蒙古語漢語即星宿海也彼時雖未考至天池而中國之河源實由此頗見梗概矣溯伏流以至蒲昌海鹽澤非河源而何星宿海亦鹽澤之伏流至青海而出為清水黃河挾之以流始為微淡後為純黃是二水本一源至中國出地為二色而終歸於一若夫曲折纖細則見近所

為詩文及紀畧之書獨敘其簡明崖略如此軍機大臣等奏一統志內甘肅之歸德所今改為貴德所其西甯縣屬歸德所縣丞並歸德營遊擊應交吏兵二部均改為貴德以昭畫一報聞八月庚午命設美諾副將壬午諭江蘇淮徐兩府屬水災常予賑卹不必論月俟水退時停止命截留江西漕糧三十萬石於山東備賑丁亥裁甯夏鎮後營遊擊延綏鎮雙山堡都司九月戊戌諭貝勒永福之子著加恩仍襲貝勒尋以縣譽襲封辛丑吏部議覆陝甘總督李侍堯奏陝西興安州形勢險要戶口較前增至數十倍請改為興安府兼設撫民通判並於縣屬分設佐雜等員從之壬寅上駐蹕避暑山莊 御製避暑山莊後序軍機大臣遵諭會同宗人府議奏分別宗室頂戴事宜一 聖祖仁皇帝世宗憲皇帝之孫未授官爵以前俱戴紅絨結頂至十八歲時視其父之職分導新例按品換給頂戴補服一 皇孫 皇曾孫 皇元孫輩俱戴紅絨結頂服花褂俟封有爵秩再照所封換給頂戴補服一間散宗室均賜給四品頂戴四品武職補服一王貝勒貝子入八分公之子應封者親王之子給一品頂戴郡王貝勒之子給二品頂戴貝子入八分公之子給三品頂戴至考試時仍照例分別嫡庶並考試等第辦理一王貝勒貝子入八分公之承繼子雖例不應封究與閒散宗室不同均請給以三品頂戴一間散宗室犯笞杖等私罪仍照舊例罰養贍銀如犯徒流等罪例折圈禁空室期滿釋放者三年無過該旗長保送宗人府准其開復頂戴如再犯法及應永遠圈禁在家園禁並發遣盛京者不論支派遠近均革去頂戴一王貝勒貝子公及現任職官革職無餘罪者仍准照閒散宗室用四品頂戴若革職尚有餘罪者均照閒散宗室例分別輕重辦理一宗室年至十八歲時由宗人府查明彙題令其戴用頂戴一盛京居住之宗室請與在京宗室一體給與頂戴從之諭山東兗曹二府及濟甯州各屬被水最重之處常予賑恤不必論月俟水退時停止丙辰 上還京師冬十月甲子朔諭朕承 上蒼眷佑 列聖垂庥平伊犁定回部開疆二萬餘里回子伯克盡為臣僕和闐良玉充貢內廷敬維 太廟尊藏 五朝冊寶係隨時鑄造玉色長短未能一律用是選擇精瑇特派大臣董率敬造 五朝冊寶全分以今歲孟冬時享恭奉入 廟舊有 冊寶送至盛京 太室尊藏玉檢金繩虔申對越聿昭我 祖宗功德之成於萬禩甚鉅典也所有恭造餘存未鑄各分朕親加檢閱其玉色與 五朝冊寶相符者均編為廟宇號俟後有舉行冊寶入廟之事概用此玉以昭畫一其玉色較白而未能一律者儘編為喜字號將來朕歸政後嗣位之皇子崇上尊稱即將此玉成造冊寶並嗣後皇孫皇曾孫輩有承事東朝尊崇徽號者皆以

此等喜字號玉一體呈用水為定制洪惟我 列祖 列宗先 天之龍重熙累洽勤求治理不敢康甯用克上協

天心暨於朕躬續緒承庥撫有方夏弗懈益虔克集大勲版圖式廓迄今年逾古稀猶日孜孜益不敢不敬 天且不

敢不勤民自新疆底定以來伊犁將軍及駐紮大臣盡皆恪遵功令撫綏安輯仰體朕一視同仁德意新疆萬里無不

安戩樂土效惻抒忱即有一二滋事之臣如素誠高樸者皆不旋踵而敗露治罪不動聲色力加整飭俾享安全是以

回部伯克內如色提巴爾第鄂斯滿等久在乾清門行走竭誠供役與內地臣民無異其派令採玉者亦皆歡欣踴躍

共效子來我子孫繼序繩承敬瞻 冊寶當益懍 天命之難諶知守成之不易聯內外以同心設或稍存怠忽所用

非人以致撫馭失宜則和闐珍產未必能源源而至又或意存微索苛求苦累則不惟玉不可得而且別啟爭端其所

關繫甚大思艱圖易可不慎乎可不戒乎用是諄切訓諭面命耳提我子孫當以朕此心為心凝承 鴻貺篤念 前

徽永存無疆之恤以保無疆之庥庶無負朕反復教戒之至意此旨著錄三通一存內閣一存上書房一存內務府其

敬念無斁欽哉癸酉定庫爾喀喇烏蘇新建城名曰慶綏城門東曰撫仁西曰向義南曰溥澤北曰奉恩甲戌定晶河

新建城名曰安阜城門東曰登順西曰永豐南曰輯和北曰保康癸未改廣西桂林府糧捕通判為恩恩府通判移駐

恩恩十一月癸丑命朝審人犯緩決三次分別減等丁巳晉封固山貝子允祁為多羅貝勒辛酉第二分四庫全書告

成十二月甲戌諭 皇祖諸孫內惟內大臣弘晟年齒加長著加恩封為輔國公諭嗣後旗人承襲他旗同姓世職已

歷三世者悉襲罔替是歲朝鮮琉球暹羅來貢會計天下民穀數各省通共大小男婦二萬八千一百八十二萬二千

六百七十五名口各省通共存倉米穀四千一百七十三萬九千四百三十三石二斗五合一勺

乾隆四十八年癸卯春正月甲辰移雲南府通判駐省城命水利同知管哨局事庚戌免直隸未完耗羨癸丑開鎮江

新河已未禮部議覆刑部尚書管順天府府尹胡季堂等奏順天府府丞專司學政向來止考大興宛平兩縣童生餘

各屬均由四路同知於駐紮處所設棚考試查各該同知有地方事務且所處衝要每遇委查要件即致稽延試期請

將四路二十二州縣府考一體改歸府丞專管應如所奏再四路內惟東路通州有學政考棚應即令各屬童生俱就

該處考試至府丞試畢即薦學政考期於士子亦便從之二月甲子 上御經筵庚午諭貝勒扎拉豐阿初封郡王後

獲咎降為公爵嗣因伊甚知奮勉存封至貝勒後在內廷行走出力年久見在患病不能即就痊可著加恩封為多羅

郡王賞戴三眼花翎以示矜恤吏部以浙江知縣管嵩籍距本任過近奏請改銓命於五百里外對調毋庸另選著為令辛未 上啟鑒謁 泰陵 泰東陵免經過地方本年額賦十分之三乙亥 上謁 泰陵 泰東陵回鑾辛巳上閱健銳營兵癸未 上還京師戊子移湖北襄陽鎮前營都司守備駐穀城三月丁酉諭軍機大臣等祭新自上年五月乞假回籍迄今將近一年此時自應起身來京供職近日身體精神若何殊為廕念如此時尚未能起程不妨具摺陳奏以慰眷注朕近作君子小人論雲上於天解濮議辨錄寄閱看其中議論理解是否與聖賢經傳脗合近日朝臣中詞章優贍者雖不乏人惟蔡新究心根柢猶能守其家學朕素所深悉蔡新接奉此旨如有所見即行詳晰覆奏並著賜乳餅一匣隨旨發去 御製濮議辨曰濮議司馬光等以濮安懿王宜稱皇伯而歐陽修引禮云為人後者為其父母報則是雖出繼而其本生猶稱父母也光與修皆號正人而持論各不相下迄未有折衷一是蓋嘗論之本生父母天性之親也子雖為人之後聖人著之禮經曰為人後者為其父母報報者降服齊衰期也蓋服可降父母之名不可改所以明示天下為萬世法也且人臣出繼為人後者世所嘗有皆得推恩封其本生父母不改稱伯叔禮也天子以孝教天下而因出繼稱所生父為伯叔是以帝王為重而以父母為輕可乎竊竊負而逃雖孟子強為之辭然實有以見父母重於帝王也明興獻王之議張璁桂萼等阿諛逢迎力請去本生之號至稱為皇考追謚帝號入廟苟以竊一時之利祿而不顧其君貽天下萬世之訾議其亦可謂最無忌憚之小人者矣予以為為帝王者苟不違君道以致見棄於天自無有無嗣旁支入繼之事苟有其事則必其身或其祖考有得罪於天之事即所謂國家將亡必有妖孽而已然設萬一有其事何不稱所生曰皇帝本生父歿則稱本生考立廟所封之國無國則於其邸第為不祧之廟祀以天子之禮亦合父為士子為大夫葬以士祭以大夫之義則尊親之誼交盡而於公義私恩兩無遺憾何昔之議禮者未見及此而紛紛聚訟為耶余因感司馬光歐陽修濮議之事以局外而觀局中為之權衡斟酌期合乎天理人情之正因著濮議辨為萬世旁支承統者有所折衷俾不致賢如司馬歐陽互為水火邪如張璁桂萼為實緣捷徑而歸於戒為君者平時敬天愛民不至見棄於天嗚呼可不慎哉乙巳諭嗣後各省逆匪劫盜於審明後交接察使收禁奉旨後即在省城正法其應集示者傳首犯事地方著為令戊申以江南沛縣上年水災命薩載親往履勘於高燥地方改建城垣乙卯復揀選武進士舊例夏四月乙亥 上閱火器營兵乙酉山東旱以明興不親祈雨切責之己丑

上詣 黑龍潭祈雨五月癸巳定月選各官豫借養廉由各省報撥例戊戌免甘肅三十六年至四十六年帶徵錢糧
壬子定祈雨陪祀官員在公署齋宿例甲寅 上啟鑒秋獮木蘭免經過地方本年額賦十分之三六月癸亥體仁閣
災丁卯命改建浙江范公塘為石塘戊辰 上詣熱河 文廟行禮丙子諭弘最著革去奉恩輔國公並內大臣延恒
著革去四品宗室頂戴交留京辦事王大臣會同宗人府刑部秉公嚴審定擬具奏壬午諭弘最于伊姪延恒令許鳴
冒充家人捏造諭帖赴靜海縣私收地畝一事曾與許鳴見過兩次又令與延恒商同辦理經留京辦事王大臣會同
宗人府刑部審訊明確請將弘最永遠圈禁其罪固由自取第念延恒所寫札諭內言語究非弘最授意令其編寫若
使札諭出自弘最之手自當加倍治罪尚不止於圈禁今訊明止於貪圖微利尚與授意者有間況今與朕同輩年稍
長者止弘最一人見在駐驛熱河敬念 皇祖推 恩篤祐弈祺相承前弘最因伊父緣事圈禁數十年之久尚且格
外加恩釋放洵封公爵今雖伊自取罪戾若照所擬永遠圈禁朕心實為惻然弘最著加恩仍授為散秩大臣令其在
家閉戶閑住不必當差行走著留京辦事王大臣等傳諭著其痛自改悔安分守法以副朕格外施仁至意儻仍怙終
不悛復罹法網不特弘最無顏見朕即朕亦自覺慚忤矣延恒依擬絞候著交宗人府嚴行圈禁照例辦理許鳴依擬
應絞著監候秋後處決癸未命伊犁綏定塔勒奇二城倉務照惠遠等城例派專員經理秋七月丁酉命各省大挑分
發舉人以知縣佐貳分別補用八月庚午賜達賴喇嘛玉冊王寶乙亥 上自避暑山莊詣盛京謁 祖陵免經過地
方本年額賦十分之三九月己丑朔 上駐驛四堡子東大營閱射朝鮮國王李祘奉表進貢遣陪臣在盛京迎駕恭
祝萬壽命照例加賞並賜 御製詩章乙未免奉天府屬四十九年錢糧戊戌 上謁 永陵己亥行大饗禮閱興京
免盛京戶部各莊頭本年交倉糧石免盛京等處旗地本年應納米豆草束十分之五減奉天等處死罪免軍流以
下罪諭見在 永陵 福陵 昭陵所有下馬木牌俱著改用石牌鐫刻清漢蒙古西番回子五體字以昭我國家一
統同文之盛癸卯 上謁 福陵甲辰行大饗禮 上謁 昭陵 臨奠武勳王揚古利墓敕諭襲封哈薩克汗杭和
卓並大段四匹乙巳行大饗禮 上謁盛京 太廟行禮閱奉安 五朝冊寶廣盛京及奉天學額改盛京大清門兩
旁下馬木牌為石牌並鐫五體文字 上駐驛盛京丙午 上臨奠克勤郡王岳託墓丁未 上臨奠宏毅額亦都直義
公費英東墓戊申 上御崇政殿受慶賀己酉 上詣 清寧宮祭 神庚戌 上回鑾乙卯 上詣 北鎮廟行禮